

## Per trutgs e pitgognas dals 27-05-2011

### Proposta dad Andrea Matossi

#### Via Bregaglia – ina via auta panoramica

La via auta panoramica maina da vart dretga da la val Bregaglia tras ina cuntrada romantica da Casaccia fin Soglio. La senda da viandar bain marcada, che exista dapi l'onn 1973, ha paucas muntadas e vala sco ina da las pli bellas da l'entir Grischun. I dat numerus puncts panoramics per contemplar la cuntrada muntagnarda famosa.

La tura Casaccia-Soglio: Da Casaccia maina il mussavia en direcziun vest sin la vart dretga da la val sur il punt Maira tras las pradas fin tar il lai da serra Löbbia. Suentar il lai da serra suonda ins a la marcaziun alva-cotschna-alva, che maina lev engiu fin a Barga e tras gaud da pigns e feglia encunter Roticcio. Suentar l'emprim entagl da chavorgia dal torrent „Aua da Mulina“ maina in curt toc da la via per lung da la spunda, emprim tras pitschens prads spundivs, suenter puspè tras il gaud da pigns. En la val sut ins sa chattà il vitg Vicosoprano. I suonda ina descensiun curta, suenter vai vinavant tras gaud sumbrivant fin a Durbeggia, nua ch'ins fa gugent ina pausa per giudair la bella vista. Il panorama da la gruppa da Bondasca vegn adina pli impressiunant, fin ch'ins arriva tar la chavorgia, nua che vegn traversà il torrent Valer. Ina senda stretga maina tras prads e gaud da feglia fin a Pravis e tar las stallas da Parlonth. La via sa sbassa e munta adattà al terren, stat però per gronda part sin medem'atezza enfin curt avant Soglio, nua ch'ella perda autezza. Da la cuntrada selvadia da crap arriva ins sin ils prads verds da Soglios.

Partenza da la tura	Casaccia
Fin da la tura	Soglio
Distanza	16 km
Meters d'autezza	480 m
Durada	3 ½ - 5 uras
Charta geografica	Swiss Map 25 / 8 - Grischun